

## **IZJAVU O MISIJI ČASOPISA "REFORMATOR"**

U svijetu koji se suočava s novim izazovima u očuvanju zdravlja, nužno je graditi mostove između znanja, prakse i društvene odgovornosti. Vizija savremenog zdravstvenog sistema više ne počiva isključivo na tehnologiji i protokolima, već i na ljudskosti, kritičkom mišljenju i otvorenom dijalogu među stručnjacima, studentima i zajednicom.

Zato je naša misija jasna: podržati raznolikost istraživanja, podsticati inovacije i razvijati kulturu razmjene znanja. Težimo stvaranju dinamične platforme koja povezuje akademsku i stručnu zajednicu s ciljem da zdravlje učinimo dostupnijim, učinkovitijim.

Kroz promociju visokokvalitetnih znanstvenih uvida, stručnih analiza i javnozdravstvenih inicijativa, želimo doprinijeti razvoju sistema koji ne reaguje samo na bolest, već aktivno gradi temelje zdravijeg društva.

U središtu svakog reformskog nastojanja stoji čovjek – njegov život, dostojanstvo i pravo na kvalitetnu zdravstvenu zaštitu. Put do takvog društva vodi kroz obrazovanje, istraživanje i neprekidnu spremnost na promjene.